

八瓊室金石補正

第三卷

八瓊室金石補正卷七十五

太倉陸增祥撰

男 繼輝校錄

吳興劉承幹覆校

唐 四十七

內侍王守琦墓誌

方一尺四寸廿二行行二十
二字字徑四分正書在咸甯

唐故正議大夫行內侍省內府局丞貢外置同正貢上
柱國太原縣開國男食邑三百戶賜緋魚袋王公墓誌
銘 并序

將仕郎試右監門率府錄事叅軍劉景夫述

公諱守琦父皇任朝散大夫充內酒坊使諱意通之弟
九子也公早朝禁掖旋授勗 思配賢 父天寔遇慈
昊訓以文藝卓以詩筆教以溫常誠以廉克仁德播於
流譽特選名於肘掖恪恪奉 主孜孜在家貞清絕邁
於古賢礪聽全逾於往括斯可爲天之祐也故得常居
寵秩朱紱銀光握 思不榭於先宗煥彩實暉於後
嗣貞元十二祀入仕大中三載退歸私第因寢疾崩於
歲十二月十五日緣久居崇秩先 塋稍隘爰於舊墳
西南隅荆逮斯塋也伏以先墳高聳碑秀峨峨族裔具
書此不列之公先夫人張氏早喪附在大塋嗣子四人

長曰從祐過而往逝亦附大塋今 夫人謝氏追念前
恩怨嗟煢後哀慟過於班家調訓同於孟母今至孝男
允實次曰從盈又次曰從泰等嗷嗷血淚逾甚高柴啓
侍晨夕殊邁曾哲生事已畢葬事將塋宅地吉晨用刻
大中四年正月廿三日禮葬鄉曰崇義村号南妣主事
銘詞因斯建也

銘曰

肱肱王公

穆穆和恭

侍親以孝

事君以

忠

四科畢脩

書劔全功

能章禮樂

能

楊國風

少承光寵

暮乃將退

居上共宗

居下共愛

身歿名章

魂消響在

劔鏡人

仁

孰不欽賚

誌中兩用後字一云煥彩實暉於後嗣後當作後一
云怨嗟煢後則後又當作獨銘詞中兩用劔字一云
書劔全功一云劔鏡人仁字書劔音曰鈍也與此文
義不合當是劔字別寫天子曰崩諸侯曰薨薨字尙
有通用者此誌書卒曰崩則妄甚矣文首云父皇朝
某官諱某之第九子也父字可省又掖授播柅握楊
凡從才之字皆作才握思不榭榭應從言此亦作才
仁德播於流聲言仁德遠播如水之流如山之聲然

而高也葬事將塋塋當作營吉晨用刻晨當作辰用

字缺筆與僧思恆志同刻謂選日也

古誌
石華

按內侍王守琦墓銘劉景夫述舊唐書職官志掖庭
宮闈局丞從八品下階守琦以貞元十二年入仕大
中三年退歸蓋仕於德宗在位之十七年歷順宗憲
宗穆宗敬宗而退歸於文宗嗣位之三年凡在禁掖
三十三年崇義鄉在萬年縣南劉遵禮墓崇義鄉在
漣川西原南姚村在崇義鄉與漣川相近蓋即今咸
甯縣南鄉大兆社之南兆寨也此碑出土在修咸甯
縣志之後故金石鄉村凡未及錄入

金石
續編

石志在咸甯出土向藏陽湖董氏兵後亡佚近復
於瓦礫中搜得之歸武進陸氏補訪碑錄謂在長
安未得其實也古誌石華載此刵建斯塋斯誤作
新此不列之列誤作刊碑嗣作嗣石華作嗣逾作
逾石華作逾亦與石本異

太子舍人翟夫人某氏墓誌

方一尺四寸廿四行行
廿四字正書在陝西

唐故朝請郎行太子舍人汝南郡翟府君

故夫人

下缺

堂牀將仕郎試太常寺奉禮郎

下缺

夫人諱婉字順美

我先祖渤海舊人也

曾

祖禾

皇太中大夫太子僕贈揚州大都督

祖

昇 皇開府儀同三司鳳翔隴右節度觀察處置使鳳

翔尹兼御史大夫上柱國紀國公集賢待制

父鑠 皇儒林郎行鳳翔府叅軍夫人則 紀公次子

都官之第二女也生稟敏慧幼聞詩禮齒年孝讓爰睦

弟兄節冠柔規言成婉則居無越思動必循理曹氏誠

成習在心列女傳未嘗廢手故知懿範出於天性淑質

叶於坤儀迨有行于翟氏能輔佐以肥家婦德脩彰內

則之儀遵奉禋祀豐潔蘋藻之薦方循泊長慶元年秋

九月十四日所天傾喪未亡節苦哀毀過制晝哭帷堂

如賓之禮無虧齊眉之歡岡闕況以鞠育孤稚勗其義
方蹈孟母之高蹤子乃成器慕敬姜之芳躅婦道聿脩
嗚呼仁而不福是上帝不惠于我家也久嬰心疾有增
無瘳惜也聰智屈於促齡茂德歸于長夜以大中三年
十一月十一日歿于京兆府鄠縣宜善鄉龐保村庄舍
春秋五十有八嗣子曰虔次曰駢謀及宅地龜筮叶從
以四年冬十月五日營窆於當鄉中龐村耐于先舅
先姑塋之北阡孝之終也噫虔駢等咸以泣血茹毒有
繼子羔追遠慎終克全哀敬府君猶子仲莒等哀號
永慟息咽而復蘓攀慕思慈晞咄而悶絕立人以痛割

五情之際度孫號訴以叙陳緇其令範外彰何嬰內舉
遂拔涕抽毫而叙之銘曰

昭昭柔德大道奚塞冥不可測

其一

寂寂幽錄碎沉珠玉

瑩不可績

其二

魄散施歸白楊風悲淚零涕垂

其三

日往月

改松茂栢大芳徽永在

其四

右志近始出土前兩行下半殘泐餘俱完好撰文
者夫人之叔父姓名已缺不可得見序內有立人
以痛割五情之際語是立人即其名也爾雅父之
舅弟先生爲世父後生爲叔父又云父之從祖舅
弟爲族父釋名父之兄曰世父又曰伯父父之弟

曰仲父仲父之弟曰叔父叔父之弟曰季父此志云堂叔者蓋父之從祖舅弟也知流俗之稱由來久矣號作髡偏旁避諱之字瑩不可續續疑續之譌與錄玉爲韻翟府君名不可攷夫人之姓及其先世官爵攷之不得嗣讀李晟傳云鳳翔節度使高昇召署別將竊意碑所述祖昇者即高昇夫人姓高也云渤海裔人云鳳翔節度均無不合惟昇之歷官始末及其父其子之名位未得其詳存俟再攷

柳知微妻賴川陳氏墓記

高九寸六分廣一尺十五行行十五字字徑六分許正書在西安

唐故潁川陳氏墓記

陳氏諱蘭英大和中歸于我凡在柳氏十有七年是非
不言於口喜怒不形於色謙和處衆恭敬奉上而又諳
熟禮度聰明幹事余以位卑祿薄未及婚娶家事細大
悉皆委之尔能盡力靡不躬親致使春秋祭祀無所闕
遺微尔之助翳不及此無何疾生於肺纏綿不愈以大
中四年十二月三日終于昇平里余之私第年四十先
有一女曰婆女五歲不育今有一男曰貂蟬年未成童
即以其月十一日葬于長安縣永壽鄉高陽原慮陵谷

變遷失其所在遂書石紀事置諸墓門云尔朝議郎前行京兆府富平縣尉柳知微記

右陳氏墓記柳知微撰書法誠懸此記當即知微所書蓋習家學者歐趙書有孔岑父碑柳知微書又按柳公綽宅在昇平坊誌云終于昇平里余之私第是知微爲公綽之近屬也裴遵慶潘孟陽魏少游劉沔諸宅均在是坊

岳林寺塔記

高一尺四寸廣六寸七分八行行十八字字徑七分正書有界格在奉化

岳林寺塔記

僧君長述并書

自金輪氏應跡迦維大漢教流諸夏尊舍利於支提儼
靈相於寶殿誠知殿塔之位闕而不可茲寺二所即女
弟子傅氏二娘之建也傅氏媼于朱室三紀不幸而所
天早喪愛子又天孳然霜質而恪勤檀度時大中五載
再剏□□殿堂凡焉闕者唯塔傅氏發言曰生□□□

□□□□□□
美遂下
缺

右岳林寺塔記在奉化縣之岳林寺癸卯夏予爲浙
東之游舟行過寺門外始一游焉寺有東西二小塔
東塔嵌石一片乃大中五載僧君長所述記文稱女

弟子傅氏二娘媿于朱室不幸所天早喪愛子又夭
惇然霜質而恪勤檀度後半殘缺不可讀矣其旁爲
鐘樓縣銅鐘一元天厯三年鑄也

潛研堂
跋尾

右碑在奉化縣岳林寺東塔內文八行行書徑七分
記爲僧君長所述詞甚簡質書法亦古雅於方外尤

難得也

兩浙金
石志

岳林寺尚有李柔撰銘在西塔佛象下亦爲傅二
娘作未得拓本堂庀二字兩浙志闕

董惟靖墓誌

方一尺二寸廿三行行廿四
字字徑三分餘正書在江都

唐故隴西董氏內表弟墓誌銘

并序

外兄魯郡鄒敦愿述

董氏其先隴西人也當春秋孔聖有歎古之良史也即
狐公之遠祖哉襲于漢相垂帷三餘名遂史冊列傳無
代不書略而引之不復廣述 曾祖芴 祖彥擘 考
諱忼並有令名於當時其行狀人物脩乎家傳不可覩
縷而鏤 先舅母廣平宋氏出自二男弟處其季也弟
諱惟靖字安衆立性恬和爲人謙退交不獲雜用晦而
明運泉貨以樂業子孫崇釋宗以益景福天胡不愁年
始知非有七歲染疾蒼而卒終嗚呼貞元十二齡丙子

歲踵困敦生於江陽縣仁風里之私第大中六稔壬申
歲當涖灘殞于江都縣贊賢里之寢舍也娶樂安任氏
幼有婦德□□長繼移天之義晝哭聲咽灑淚漣洏鞠
育四男並天假秀異^長曰宗奭恭事伯父掌握格律舉
直措諸巨細無私繫之是賴□男曰宗英次男曰宗興
季子曰宗興並幹父之用譽^{長兄}□惟竦顯居要職
管內都勾友于急難如鵲鴿之孤翥原野飛□血淚潛
然以營葬事宗奭等罹此^苴疚悶絕哀號恭承^饗□
朝晡無闕於其年六月十九日克塋于^{先考}塋側域
內以□神魂焉嗚呼內外兄弟能有幾人先後之間余